



## Publicaziuns dalla vischnaunca, jamna 50

---

### Damondas da baghegiar

#### 2022-1072.000

##### Datum dalla publicaziun: 16 da december 2022

Il patrun: Claudio & Elisabeth Levy-Küng, Burgmatt 11, 6340 Baar  
Il representant: BeerBigliel SA, Via Alpsu 49, 7180 Disentis/Mustér  
Intenziun: Niev cundrez fotovoltaic vid la fatschada e sin il tetg digl edifeci da habitar  
Edifeci nr. 281G / 281F  
Parcella: 1319  
Adressa: Via Acletta 8, 7180 Disentis/Mustér  
Zona: Zona da habitar (H2)  
Zona da prighel: Negina

#### 2022-1073.000

##### Datum dalla publicaziun: 16 da december 2022

Il patrun: Fabian Manetsch, Via Nova 1, 7180 Disentis/Mustér  
Il representant: BeerBigliel SA, Via Alpsu 49, 7180 Disentis/Mustér  
Intenziun: Cundrez fotovoltaic el liber  
Parcella: 3878  
Adressa: Via Nova 1, 7180 Disentis/Mustér  
Zona: Zona da habitar (H2)  
Zona da prighel: Negina

#### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 16 da december 2022

Uffeci da baghegiar Disentis/Mustér

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### Nr. 2022-2096.000

Damian Deflorin-Tuor, Via Pervenda 2, 7180 Disentis/Mustér; cuvierer la terrassa cun ina pergola, parcella 623, Via Pervenda 2, 7180 Disentis/Mustér.

Disentis/Mustér, ils 16 da december 2022

Uffeci da baghegiar Disentis/Mustér

---



---

**Annunzias da baghegiar**

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

**Nr. 2022-2100.000**

Sialm AG Fleischrocknerei, Via Foppas 28, 7186 Segnas; niev cundrez fotovoltaic sin il tetg, parcelas 95, 96 e 100, Via Foppas 28 e 30, 7186 Segnas.

**Nr. 2022-2101.000**

Livio Zanetti, Via Raveras 11, 7180 Disentis/Mustér; niev cundrez fotovoltaic sin il tetg, parcella 842, Via Raveras 11, 7180 Disentis/Mustér.

**Nr. 2022-2102.000**

Curdin e Darinka Cajacob, Via Sut Vitg 4, 7186 Segnas; niev cundrez fotovoltaic sin il tetg, parcella 58, Via Sut Vitg 4, 7186 Segnas.

**Nr. 2022-2103.000**

Adrian Deflorin, Gassa da Cuoz 23, 7186 Segnas ed Edwin Deflorin Gassa da Cuoz 21, 7186 Segnas; sanaziun dalla fatschada dil baghetg 310A, parcella 1209, Gassa da Cuoz 27.1, 7186 Segnas

Disentis/Mustér, ils 16 da december 2022

Uffeci da baghegiar Disentis/Mustér

---



---

## Cussegl da vischnaunca

### Rapport dalla seduta dils 9 da december 2022

Venderdis, ils 9 da december 2022 ha giu liug ella halla Cons la 19avla seduta dil cussegl da vischnaunca dalla perioda d'uffeci 2021/2024. El center dalla seduta ei stau la nova lescha pil manteniment dallas ovras da meglieraziun e d'uaul e las elecziuns pigl onn 2023. Il cussegl da vischnaunca ha approbau unanimamein la nova lescha ed eligiu **Helga Probst-Linder** sco nova presidenta ed **Ignaz Venzin** sco niev vicepresident dil cussegl da vischnaunca pigl onn 2023. Plinavon ha il cussegl da vischnaunca inoltrau in'interpellaziun che pretenda sclariments pertuccont la munconza da habitaziuns per personas indigenas.

Il cussegl da vischnaunca ha il venderdis sera sut l'egida dil president dil cussegl da vischnaunca **Adrian Deflorin** approbau la nova lescha pil manteniment dallas ovras da meglieraziun e d'uaul. A vesta dalla meglieraziun funsila che la vischnaunca da Mustér ha instradau igl onn 2012 ed entschiet cun la realisaziun igl onn 2018 entras la construcziun dallas empremas vias eisi stau necessari d'elaborar ina nova lescha. Quella nova lescha remplazza il reglament da traffic digl onn 2011 e regla il diever dallas vias d'uaul, dallas vias da funs e quellas dallas alps. Da niev ein las vias sigl intschess dalla vischnaunca da Mustér partidas tier en secturs. Las lubientschas per carrar sin las vias corrispudentas vegnan el futur concedidas a moda semplia e moderna ent-ras in'applicaziun digitala. La nova lescha vegn suttameisa al referendum facultativ tenor art. 21 lit. b dalla constituziun communal. Ella duei entrar en vigor cugl emprum da fevrer 2023.

Plinavon ha il cussegl da vischnaunca decidiu da buca instradar ina cumissiun pil provediment medicinal ed il survetsch d'urgenza, mobein incaricau la suprastonza communal da s'occupar activ-, speditiv- ed efficientamein cun las activitads ch'occuoran momentan en connex cul provediment da sanadad en vischnaunca ed ella region.

Ulteriuramein ha cusseglier **Roland Cajacob** inoltrau in'interpellaziun che pretenda sclariments pertuccont munconza da habitaziuns per personas indigenas resp. empremas habitaziuns. Per saver futuramein impedir problems pli gronds en connex cun la munconza da spazi da habitar pagabel (cunzun cul svilup planisau ella region sisum la Surselva) e muort la munconza da terren adattau per surbaghegiadas pli grondas enteifer las zonas da baghegiar existentas, duei la suprastonza communal far il pusseivel da possibilitar la construcziun da novas habitaziuns ella vischnaunca.

Il parlament communal ha plinavon eligiu unanimamein sco **nova presidenta dil cussegl da vischnaunca** pigl onn 2023 la vicepresidenta **Helga Probst-Linder** e sco **niev vicepresident Ignaz Venzin**. Las autoritads politicas dalla vischnaunca da Mustér engrazian al president partent Adrian Deflorin cordialmein per siu grond engaschi e la buna collaboraziun duront igl onn 2022.

## Suprastonza communal

### Referendum facultativ

A caschun da sia seduta dils 9 da december 2022 ha il cussegl da vischnaunca approbau unanimamein la lescha pil manteniment dallas ovras da meglieraziun e d'uaul.

Conform ad art. 21 lit. b dalla constituziun communal ei quei conclus suttamess al referendum facultativ. Il messadi sco era la lescha pil manteniment dallas ovras da meglieraziun e d'uaul ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

## Suprastonza communal

---



---

## Administraziun communal

<b>Temps da spurtegl sur Nadal e Daniev</b>	
<b>Venderdis, 23-12-2022</b>	<b>7.30–14.00</b>
<b>Sogn Stiafen, 26-12-2022</b>	<b>serrau</b>
<b>Mardis, 27-12-2022</b>	<b>serrau</b>
<b>Mesjamna, 28-12-2022</b>	<b>15.00–17.30</b>
<b>Gievgia, 29-12-2022</b>	<b>15.00–17.30</b>
<b>Venderdis, 30-12-2022</b>	<b>serrau</b>
<b>Gliendisdis, 2-1-2023</b>	<b>serrau</b>
<b>Mardis, 3-1-2023</b>	<b>15.00–17.30</b>

Nus giavischein ina biala fiasta da Nadal ed in bien e sanadeivel onn 2023!

Administraziun communal Disentis/Mustér

---

## Reducziun individuala dallas premias dalla cassa da malsauns 2022

Persunas e famiglias che vivan en relaziuns economicas mudestas san, risguardond certas premissas, dumandar contribuziuns vid las premias dall'assicuranza da basa obligatoria per la tgira da malsauns (LAM). Persunas che han uonn aunc buca fatg diever da quei dretg, san far quei entochen **la fin digl onn 2022**. Informaziuns, basa legala, muossavia ed il formular d'annunzia ein d'anflar sin la pagina d'internet [www.sva.gr.ch](http://www.sva.gr.ch). Ils formulars san era vegnir retratgs tier l'administraziun communal.

Per damondas stat il personal dall'administraziun communal bugen a disposiziun.

Administraziun communal

---

## Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da Silvester/Daniev **gievgia, ils 29 da december 2022** naven dallas 16.00 en halla Cons. Igl aperitiv vegn offerius cun sustegn dalla vischnaunca.

Nus selegrein sin stedia participaziun ed in interessant ed inspiront scomi da meinis.

Cuminonza d'interess da proprietaris da habitaziuns secundaras  
Interessengemeinschaft Zweitwohnungseigentümer Disentis

---

## Controlla da habitonts

### Mortoris

Carli Cathomen, naschius ils 30 d'october 1950, morts ils 7 da december 2022

Viktor Willi, naschius ils 25 da zercladur 1927, morts ils 10 da december 2022

Rosina Lutz, naschida ils 2 da fenadur 1932, morta ils 10 da december 2022

---



---

### Chor baselgia Segnas

**18. Exposiziun d'art e sentupada, Segnas**  
**Dumengia, ils 18 da december 2022,** 14.00–19.00  
**S. Stiafen, ils 26 da december 2022,** 14.00–19.00  
**Vederdis, ils 30 da december 2022,** 14.00–18.00

### Casa da scola Segnas

Siat expositurs cun lur ovras d'art ed artisanadi Stiva da caffè

Cordialmein envida

Chor baselgia Segnas

---

### Biblioteca populara Disentis/Mustér e contuorn

Muort in'occurrenza interna resta la **biblioteca serrada venderdis, ils 16 da december 2022**. Nus engraziein per vossa capientscha. Bugen essan nus puspei cheu per vus gliendisdis, ils 19 da december 2022.

Il team dalla biblioteca

---

### Societad da Musica Mustér

#### Concert da Nadal

**Sonda, ils 17 da december 2022** allas 20.00 en baselgia S. Gions a Mustér. Silsunter stiva da caffè en halla Cons.

Entrada libra, collecta.

---

### Acziun pacs da Nadal 2022

Danovamein hai dau in record: En Surselva havein astgau rimnar 447 pacs per l'Europa digl ost. In cauld engraziament a tuts che han contribuì sin ina moda ni l'autra.

Nus giavischein a tuts in benediu Nadal.

---

### Aktion Weihnachtspäckli 2022

Wieder ein Rekord: In der Surselva sind 447 Päckli für Osteuropa zusammengekommen. Ein ganz herzliches Dankeschön an alle, die in irgendeiner Weise dazu beigetragen haben

Wir wünschen allen gesegnete Weihnachten.

Team pacs da Nadal Surselva

---